



UNIVERSITÄTS-
BIBLIOTHEK
PADERBORN

Universitätsbibliothek Paderborn

Kirchen Calender

Goldwurm, Kaspar

Franckfort am Mayn, 1574

xiiij Theodorus Märtyrer.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

Dieser Justinus ist erstlich ein fürtrefflicher Philosophus gewesen / vonn Neapolis bürtig / Dieweil er vermercket / daß den Christen groß gewalt vnd vnrecht geschehen / vbergabe er Antonino vnd seinen mitgesellen ein Buch wider die Heyden / vnd zuuerthendigung der Christen geschrieben. Auch ein frag vnd antwort Schrift wider Tryphonem den Fürste der Jüden. Er hat auch häfftig gestritten wider die Marcionische vnd Cerdonische Ketzeren / Sonderlich aber straffet er den Crescentem, die Epicurische / frässige vnd vnstätige Saur / durch des Feindschafft vnd heimliche dück er vnder M. Antonino zu Pergamo in Asia getödtet worden / Im Jar Christi 154. Darvon schreibet er selbs. Item / Eusebius lib. 2. cap. 13. Et lib. 4. cap. 8. 10. 12. 16. & 17.

que
E
xiiij
Justinus.

Blus der Keyser thäte den Christen groß Marter vnd Plagen ahn / vnder andern ist auch diser Theodorus von Salustio des Keyser Statthalter gefangen / welchen Jüngling er auff bechle des Keyser / vom morgen früh an / biß vmb die zehend stundt / ließ an die peinlich Marter fürn / vnd dermassen alle seine glieder erstrecken / dergleichen nie gehört worden

Ti
S
xiiij
Theodorus.

H iij Theo.

Theodorus aber ist inn solcher seiner Marter
 gang beständig/ ja frölich blieben / vnd hat mit
 freuden angefangen zu singen den 15. Psalm:
 Es müssen zu schanden werden / alle die
 da Götzen anbetten / vñ auff sie trawen.
 Wie es dann auch geschehen / Dann der Ab-
 göttlich Tempel ist vom Himmel herab ver-
 brandt / vnd alle Feind vnd verfolger der Chri-
 sten jämmerlich vmbkommen / Darvon schrei-
 bet Ruff. 33. & 36. cap. li. 1. Soc. 19. cap. lib. 3.
 &c.

bur
 G
 xv
 Olden
 Castel.

Dieser ist ein Ritter in Engelland vnd von
 hohem Christlichem Verstande gewest/
 Vnd dieweil er sich nach Christlicher ord-
 nung zu leben beflissen / ist er bey dem König
 durch den Erzbischoff von Sanelburg / als
 ein auffrührer häfftig verklagt worden / Vnd
 wiewol er sich des gnugsam verantwortet / wolt
 es doch nit helffen / sonder er ward gefangen/
 zum todt verurtheilt / vñnd zu Londin auff S.
 Egidij plas an Ketten gebundē vnd verbrant/
 vnd ist beständiglich in warer bekandnuß Chi-
 sti gestorbē / zu der zeit Königs Henrici V. An-
 no Christi 1418. Darvon schreiben Herr Jo-
 hannes Baleus / vñnd Herr Johannes So-
 rius.

Dieser